

# Эндү угагъар зурагъан күцäхмн

Яшалтинск загъсна завод му бääдлд бääнä гидж келдж болшго. Эн завод тавн шин моторн онъгыцта, гурвн дөрвäd зун метр шүүгүлмүдтä болн загъс бәрдг нань чигн зер зевтä. Манц голнн загъсон элвг ик. Загъсна заводин кöдлмшчнрин коллектив — омгта, сән зöрмг, чидлтä улс.

Заводин коллектив джилин эклцд джилä зурагъан облэгаснь урд, Алдр Октябрин 42-ч öбнд күцäнävдн гидж даалгъвр авла. Эдн тер даалгъвран күцäсн уга — джилä зурагъан 64 процент күцäв. Зурагъар джилдän 250 тонн загъс бәрх бääснäs 160 тонн бәрв.

Зурагъан эс күцäлгънä учрнь юндв гигъäd сурхла, заводин директор-ур Пораев, парторганизацин сeглäтр-ур Санджиев болн завкомин ахлач Онджаев, — салькн ик болад загъсн муугъар бәргдв гидж зöвän авхар седцхәнä.

Догши салькн загъс бәрлгънд саалтг болдгнь ил медднä. Болв эн 1959-ч джилнн хавр, зун, намрт хатär ик салькн болла, Тим болхла, эврәнннь му гардвран салькар хальчлдж болшго, гемиг салькнд орулдж келхд дегд хату.

Иосн ик гем салькнд биш — гардврт, хамцулгч, бурдäгч кöдлмшчт бääнä. Заводин кöдлмшчнр дунд цäлгъврнн кöдлмш, производствени дисципли бöдтүллгънä тускар чигн кöдлмш муугъар кегднä гидж темдглх кергтä. Эн, ним учр, джилä зурагъан болзгаснь урд күцäхд загъсна заводт саалтг болв гидж келхлä, чик болхмн.

Социалистическ даалгъвран күцäлгънä тускар, производствени дисципли батруллгъна халхар, кöдлмшчнрин бääх бääдлин тöрär, болн нань чигн тöрмүдär нег чигн производствени совещань эс хурагддж. Заводин кöдлмшчнр öдр ирвäs сар болгън коллективннн кöдлмшин ашинь, күцäнтгъүсинь меддж, уралан зүткдж орн-нутгинн эдл-уушиг элвджүлх седжлтä, седвартä болн öргмджтä.

Тер тим седвäриг болн öргмджи заводин партийн организацин сeглäтр-ур Санджиев, завкомин ахлач-ур Онджаев олзлдж, производствени бöдлт кеджähмн уга.

Эн заводин гардачнр болн цуг ко-

ллектив öдр болгън загъс анънх цаг-иг үрäl уга олзлад бääсн болхла, зурагъан болзгаснь урд күцäхннь магъд уга бääснн. Болв тер аргъ олзлдж эс чаддж. Түүнä учрнь юндв гихлä, производствени дисциплин дегд сул гидж эндү угагъар келдж товчлдж болхмн. Ноябрьн 6 öдр номгън салькта öдр болв. Заводин директор-ур Пораев öрүн 6 часла босад, бригадирмүдän дуудад закв: «Шурд гидж загъс бәрлгънд гартн, эндр тöвкнүн сән öдр!»

Болв гурвн бригадас нег Онджаевин бригад гарв. Адъяновин бригад савнь болн нань чигн кергтä тоотн белн эс бääсн учрар, öдран үрäv. Гурвдгч бригадннь юн учрар эс гарснь медгдхш.

Онджаевин бригад тер öдртän хойр саамд шүүгүл хаяд арвн центнер загъс бәрв. Хойр бригад эс гарен учрар, завод багъ гисн бийннь, 20 центнер загъсан геев гидж батта кевär келхмн. Эн учрар авад хäläхлä — Яшалтинск загъсна завод дала сән цаган үрäгъäd, олн тонн бәрх загъсан алддж.

Ода тим ик алдг йовдл гаргъа бääдж — салькн саалтг болв гисн — хаджгър үг болх. Заводин гардачнр — үүрмүд Пораев, Санджиев болн Онджаев эндү, дуту-дунд, хоома хамт йовдлмудан уга кех зöвтä. Цуг аргъ-чидлän болн медрлän күцäднн эдлхмн, сән цаган үрäхмн биш, öдр болгън загъсна бригадмуд ницнцгъү, дурта цагла загъс анънлгънд дегц гарцах — өркн гол тöр.

Заводин партийн организац болн завкомин кöдлчнр загъсчнрин дунд партийн-политическ кöдлмш сäänär целгрүллгънä, заводин кöдлмшин тускар, даалгъвран күцäлгънä болн күч-көблснä дисципли батруллгъна халхар дару-дарунь производствени совещань кеджäh зöвтä.

Загъсчнр чидлän äрвлшго. Ноябрьн 5-д болсн хургтан, тедн даалгъвран эс күцäсндän икär гундв. Эн хургтан зурагъас үлдсн 90 тонн загъсан ноябрь сарин өргцд өрк биш күцäхмн гисн нег уха зүүдж күүндцхäv.

Б. ДОРДЖИНОВ.